

Straußjugend Reiwelskerch

WIESO HAB ICH MEINE
UNTERHOSE VERKEHRT
RUM AN ? DER SCHUTZ
IST DOCH VORN...?

ABER DAS
GELBE
IST AUSSEN!



2006

ANFANG

Ihr lieve Leit un Kerwegeschk, veehrte Reiwelskeier!!!

Ihr misse entschuldische wenn unser Stimme heit eiere,
awer mer hann halt Kerb un das due mer kräftisch feiere.

Un trotz allem due mer eich jetz berichte,
vun de letschte Zeit die scheenschde Geschichte.

Mer hoffe das ner eich bis jetz gut amisiert hann üwwer die
Kerweda,
mir hann das nämlich a.

Weil mer so viel berichte dun un knapp is die Zeit,
gehts glei los, also mache eich bereit.

E ganz Johr is schun wirrer vefloss,
also werd zu Beginn noch unser Stimm begoss...

... un dann here mer noch die Straußjugend kreische:

Die Reiwelskeier Kerb soll lewe...

...hoch

...hoch

...hoch

Bäckerei-Konditorei




Müller

Inh. Jörg Müller

Kegelbahnstr. 10

67753 Reipoltskirchen

Telefon 06364/323



Burschgeschichte



Die negscht Geschicht hanneln vuneme
ortsbekannte Gelände,
vun dem hammer in de letschte Johre
schun geschribb so einische Bände.

No langer Zeit hot die Bursch nun ihr Vollendung gefunn,
un dodemit Reiwelskerch e weit verbreitetes Highlight gewunn.

Die Inweihung wurd disjohr dann a gefeiert,
un zu dem Anlass sinn e haufe Leit no Reiwelskerch geeiert.

Uf de Bursch gabs im Juni a schun die erscht groß Feierlichkeit,
mit Musik, Molerei, Kinnerspiele un viel Heiterkeit.


Ob se kame aus Norde, Süde, Weschde orrer Oschde,
an dem Wochenende kam jeder uf sei Koschde.

Mole lerne kamer dert jetz a,
im neie Restaurant gut esse un trete vor de Altar.

Uf de Bursch im Standesamt drin,
kamer sich dann fühle wie Prinz und Prinzessin.

Mer hoffe das mer nun sinn am Enn vun unsrer Serie vun
Burschgeschichte,
sunscht müsse mer noch ofange e weiteres Band zu dichte.

Falls mer jetzt geweckt hann an de Bursch e gewisses Interesse,
gehen die Bursch doch mo besichtische oder gucken äfach uf de
Reiwelskeier Internetadresse.



DAMEN + HERREN
frisöre
K. & T. STAUTER


TELEFONISCHE
VORANMELDUNG
ERBETEN!

Hauptstr. 56
67759 Nußbach

Tel.: 06364-672
Fax.: 06364-611

info@salon-stauter.de

Telekom lässt Grieße



Unner de Kellergeischder gebts e Märe das hot sei
Vewandschaft in ganz Europa vedält,
un ihr Mutter hot zum Beischbiel als nei Heimat die
Schweiz gewählt.

Um die Entfernung vun Deutschland zu de Schweiz zu üwwerwinne,
muscht sich a äbbes anneres als hinfahre finne.

E neimodisch Ding gebts do, ihr duns all kenne,
un das dut mer in Fachkreise Telefon nenne.

Jede Sunndach, mer konnt die Uhr deno stelle,
dut bei de Familie Brandt um 21:00 Uhr es Telefon schelle.

Sie vezehle sich dann was üwer die Woch so alles is basiert,
un normalerweise weren se dodebei a vun känem gestert.

Aneme schene Sunndach wurd der Plausch dann awer unnerbroch,
do hot jo uf ämo e unheimliche Stimm ins Telefon gesproch.

Es Janett konnt seine Ohre kaum traue,
un mänt zu ihrer Mutter do rede doch zwä Fraue.

Em Janett sei Mutter hot die Fraue net geheert,
un ihr Tochter schun fer verickt erklärt.

Die widderum denkt sich, die Stimm kummt mer bekannt vor,
un do hotse außer ihrer Mutter a noch es Hertha am Ohr.

Es Hertha kunnt anscheinend a Stimme venemme,
awer es Janett dodebei net erkenne.

Nome laute Schrei vum Janett ans Hertha gericht,
geht a em Hertha uf ämo uf e Licht.

Schnell hots dann das intime Gespräch mit ihrer Freundin zu Enn
gebrung,
un es Janett un sei Mutter es Gespräch widder allä üwwernumm.

Negschden Daachs wurd das dann vun beide Seite de Telekom
gemeld,
un no kurzer Zeit sinn die dann zur Reparatur no Reiwelskerch
geschnellt.

Die Leitung is jetzt widder fascht wie nei,
un beim Gespräch zu zwot is kä dritter mi debei.

Ihr Leit wie ner wisse wurd 89 die Mauer ufgemach,
awer denke dro die Stasi is immer noch wach.

Gardinenschneiderin fertigt in eigenem Atelier

STORES & MORE



67700
Niederkirchen
Talstr. 27

Gardinestudio,
Änderungsschneiderei,
Polsterarbeiten,
Reinigungsannahme.
Wir bieten unverb. Beratung
bei Ihnen zu Hause.

Telefon: 06363 – 99 49 39

Fax: 06363 – 99 49 38

Handy : 0160 –75 75 75 8

Öffnungszeiten:

Mo., Mi., Do., Fr.

10:00 - 12:30 & 15:00 - 18:00

Di. 15:00 - 18:00

Sa. Termine nach Vereinbarung

eigene Schlichtung
seit 1896




67700 Niederkirchen
Heinricherstr. 8
Tel 06363 / 322

Scheiß Mauer

Üwwer de Weber Peter hatte mer schon öfters zu berichte,
un do gings mäschdens um sei Führerscheingeschichte.

Da er dene jetzt wirrer besitze dut,
wuschter anscheinend a nimmi fer was sei Roller is noch gut.

De Roller war jo nur zur Üwwerbrückung do,
also wollter ne vekaafe, an dem war jo eigentlich
a noch nix dro.



Nodem ers in die Zeitung gesetzt hot, dut sich e
Märe melle,
un wenische Da später an seiner Hausteer schelle.

Vorm Kauf wollt das Märe awer erscht noch e Probefahrt mache,
da es sich sicher sei wollt bei dere Sache.

Während de Fahrt hots a die Lämeäcker probiert,
un is dert bei Bühlersch gege es Meierche geschmiert.

De Spiegel un manch annere Teile,
dun jetzt im Rollerhimmel veweile.


Beim Anblick vum Roller dut de Peter vestumme,
un will verständlicherweise net ufkumme fer die Schadenssumme.

Zur Strafe muscht das Märe dene Roller dann kaafe,
besser als garnix, sunscht mischts jo laafe.

Peter hättche mo geguckt, wer dei Roller do lenkt,
weil manche Leit sinn net zum Fahre gedenkt.


Heilfasten

... ist nicht Hungern



... und mehr als Abnehmen

*... reinigt
... entgiftet
... entschlackt*



Wingertweide 5
37759 Nußbach
Telefon: 06364-993033 - Fax: 993035
Email : Info@praxisteam-nussbach.de

Sprechzeiten Mo-Di-Do-Fr :
9:00 bis 12:00 und 15:30 bis 19:00
Wahlleistungstermine :
Mi und Sa nach Vereinbarung

Der Laden um die Ecke

Inh. Nicole Fauss
Lauterecken, Hauptstr. 43
(Stadtmitte, gegenüber Post)

Damenmode bis Gr.56
Taschen & Accessoires
(auch Gutscheine erhältlich)

Genau das Richtige finden...

Asyllbewerber

Anfang Mai waren die Leit vun de Alm ganz schee vewirrt,
weil sich dert e fremder Hund hat hie veirrt.

Woher der fremde Hund kam, das wuscht kä Sau,
also hielten se allega nom Besitzer ausschau.

De Besitzer hot sich dann awer net gefunn,
un so hot die Familie Jäger e Plan gespunn.

Dem arme Hund wollten se eigentlich Asyll gewere,
doch dene muschten se erscht emo fange un uf se here.

Der Hund is dann e pa Da lang in de Lämmeäcker erumgerennt,
awer jedi Chance ne ze fange hatten se anscheinend vepennt.

Irgendwann kam ne dann die flott Idee,
das se dene Hund äfach schlofe lee.

Also wurd Futter mit e bisje Beruhigungsmiddel bestickt,
un gewart biser sei Fressje erblickt.

De Hund hot es Fresse schnell entdeckt,
un sei hungrisches Maul in de Fressnapf gesteckt.

Die Tablette hon dann ball ingeschla,
awer ganz annerscht als die Packungsbeilag hot gesa.

Wie besoff isser die Stross entlang gestolwert,
das se ufbasse muschte, daser net doll werd.


Mem Kopp horer dauernt gege die Mauer gehau,
ich glab awer dodevun werd mer a net schlau.

Fange konnten se ne destewee awer a net,
dodebei hot bei Jägersch dehäm schun gestann e Hundebett.

Awer irgendwann horrer sich dann doch dezu üwwerwunn,
un sei Bettsche bei Jägersch dehäm gefunn.

Also wenner dann emo e Heim suche,
müsse ner blos bei Jägersch e Zimmer buche.

Mei lieb Regina, mei liewer Bernhard,
bassen blos uf wen ner do erin losse in eier Haus,
es negschte mo gehts vielleicht nimmi so klimpflich aus.



RESTAURANT
ZUR WASSERBURG REIPOLTSKIRCHEN
Der Restaurant-Geheimtipp in Reipoltskirchen

Veranstaltungen:

1. Gourmedy-Abend am 09.09.2006 ab 18.30 Uhr!

5 Gänge Menü, dazwischen Live Unterhaltung mit dem bekannten Heinz Becker Double, Jörg Ruschel!

Preis für Menü, Programm
und Sektempfang pro Person 38,-€

2. Gourmedy-Abend am 14.10.2006 ab 18.30 Uhr!

5 Gänge Zauber Menü, dazwischen Live Unterhaltung mit dem bekannten Zauberer Markus Lenzen. Besuchen Sie seine Homepage und überzeugen Sie sich selbst unter www.markuslenzen.de.

Preis für Menü, Programm
und Hocuspocus-Cocktail pro Person 38,-€

Neu!!!! Brunch in der Malschule der Wasserburg!!!!

Termine: 13.8., 3.9., 1.10., 5.11. und 3.12.06

Immer am ersten Sonntag im Monat Preis pro Person 13,-€

Vorankündigung: Am 20.1.07 ist Schorsch Seitz
(Saarl.Comedy-Star) in der Wasserburg!!!

Über eine Reservierung würden wir uns freuen

Verfrühte Kerweereignisse

Kerb gebts nur ämo im Johr un das ofang Augusd,
uf die lang Warterei hot awer anscheinend jemand gehat gar kä
luscht.

Die Reidschul ufem Plätzje, die Musik in de Hall,
un die reichlich Auswahl an Getränke üwwerall.

Schlimmer als e Kind is die gut Fra un ihr Mutter beinah,
schlimmer als die Straußjugend sogar.

De Kerweumzuch mit Bloskabell un Gesang hon se mo schnell
organisiert,
un zum Geburtsdach als „50 Jahre Elfi“ präsentiert.



Die Kerweredd wurd dann noch net emo nom Umzuch gehall
wie normal,
sondern schun an de Fasnacht vun zwä Gespenschder ausem
Burschkanal.

Mir froe uns blos warum mer do net mitwirke durfte,
mer hätten doch dann noch e Bäm geknibbelt mit Blume die dufte.

Awer egal, es sollt so sei,
dodevor simmer jo jetz richtisch debei.


Viel Spaß an der Reipoltskircher Kerwe wünscht

Fernseh & Elektro Service
Sanitär - Öl - Gas - Heizungen

MÜLLER

Alexander
Meisterbetrieb

Luitpoldstraße 27
67759 Nußbach
06364 / 1698



Fil. Gangloff
Brögt 259
06364 / 229

Wartungen - Reparaturen - Installationen
Verkauf von TV - HiFi - u. Elektrogeräten
Kaminsanierung - Heizungen - Küchen
Bäder - Solaranlagen - Photovoltaik

Hexenacht

Traditionell hammer a die Hexenacht widder debei,
un do is bassiert so allerlei.

Baumanns Stefan hat gemänt er mischt de coole spiele,
un dut ohne Helm, ufem Roller zum Lisabeth biele.

Beim Lisabeth im Hof wurder dann vun Grün-Weiß-Deutschland
erblickt,
un is de Strof dann entgang ziemlich geschickt.

De Geldbeutel horrer net debei gehat um die 15 € ze bezahle,
also iser mit rer Verwarnung devun kumm un ohne Randal.

Dolleglick kann das nur gewesst sei,
unseräns wär so wahrscheinlich an dere Geldstrof net kumm vorbei.

Baumann wo hasch du dann eigentlich de Führerschein gemacht,
das se der noch netemo bebringe de Helm ufzeziehe, das is doch e
ganz äfach Sach.

Üwwers Hertha hammer a noch e kläni Geschichte,
un dun wie immer exklusiv iwwers berichte.

Uf Rege wars Hertha net ingestellt,
obwohl an Hexenacht kä schee Wetter war gemeld.

Zu später Stunn wollt sichs dann uf de Hämweg mache,
als vum Himmel schon widder e Schauer dut runnerkrache.

Es hot sich dann schnell e Mülltut um de Kopp gebunn,
um a später noch sei prachtvolle Löckelcher ze hunn.

Es durft dann mem Maike mit in die Lämäcker fahre,
denn mit einische Promille im Blut un dem viele Rege hätts
wahrscheinlich gebraucht Jahre.

Hertha fer dich am Schluss a noch e ganz kläner Tipp,
wenn de net ufbascht, nemme mer dich a negschtjohr widder uf die
Schipp.



Birgit's Frisierstube

Birgit Krieger-Karch
Hauptstraße 4
67748 Odenbach
Tel. 06753 - 45 39



AM SCHLAUWEG 2
67700 NIEDERKIRCHEN
TEL. 06363•993084
FAX. 06363•993085

Weißer Lump

Wie mer vorhin schon die zwä Burschgeschbenschder in eme Stick erwähnt hun,
misse mer glei sae so kumme uns die zwä Nachthemde net defun.

Mei zwä liewe Geschbenschder ich hoff ihr sinn heit beide do,
weil jetz sinn mir mo mit vezähle dro.

Sache dun ihr vor de Kerweredd erwähne,
un das dut uns all ganz schee kräme.

Das ihr zum lache sinn das wisse mer allemol,
awer das was ner do bringe is nur gestohl.

Zeisch duner vezähle wo netemo stimmt,
un uns die Theme fer die Kerweredd wegnimmt.

Es negschde mo misste ner e bisje besser zuhere un bevor ner schreiwe drüwwer nodenke,
dann kenne ner eier Schauerbuch es nächste mo a in richtische Bahnen lenke.

Gott sei Dank sinn die zwä bis in zwä Johr verschwunn,
solang scheint fer uns dann widder die Sunn.

Mer sae dann emo Tschüss bis in zwä Johr, do kumme ner bestimmt widder,
un dann kenne ner jo widder weiter mache mit eierm Gewitter.

Praxis f. Physikalische Therapie

A & B Schlicher
Hauptstr. 64

67759 Nussbach

**Krankengymnastik auf
neurophysiologischer Basis
Schlingentisch
Massage / Fango
Heißluft / Stangerbad
Unterwassermassage
Elektrotherapie
Manuelle Lymphdrainage**

Öffnungszeiten

Mo.-Fr. 8.00-12.00

Mo.-Mi.-Do.-Fr. 14.00-19.00

Tel. 06364/1465



Bei Engels hinne im Garte dut e zeitlang schun e Garteteich gedeie,
der dut, um jetz mo kurz zu erkläre, in de Sichtweite vum Balkon
leie.

Da sich schun öfters Räuber hann an dene Teich drogemaakt,
wurd der vum Walter schließlich zu jeder Zeit bewacht.

Ufem Balkon horer sich dann bewaffnet uf die Lauer geleet,
un sich mit de Silvesterkracher in Reichweite platziert, dann fascht
nimmi vum Fleck beweet.

Änes owends, er hots genau gesieh,
taucht de Räuber wirrer uf, das blede Katzevieh.

Endlich, er kann sei größter Feind schlae,
un macht sich schun bereit die Katz mit seine Kracher ze vejae.

Da de Walter sich grad hot e Zigarett ogesteckt,
bevor er die Katz entdeckt,
horrer sich dann net lang geziert,
un die Sach dann a glei ausprobiert.

Doch die Reaktion is schun so e Sach,
vor allem wenn mer de Kracher mit de Zigarett omacht.


Doch de Walter ganz in seinem Element,
hot die Koordination vun seine Hänne vepennt.

Die Zigarett is Richtung Katz gefloh,
un de Walter hot genüsslich an seinem Kracher gezoh.

Als de Walter dann hot gemerkt die brennslich Sach,
hot sich de Kracher a schun in seiner Schniss brät gemacht.

Es issem Gott sei Dank nix bassiert bei dere Sache,
awer ich glab die Katze hocke heit noch in de Heck un dun sich üwer
de Walter kaputtliche.

Am Schluss wolle mer der noch ä Sach sahn,
Fischaugse sei wachsam.





Meisenheim

FAHRSCHULE

Attila Christian Hargittay
Lauterecken

Junges Team, kompetente Ausbildung
Unterricht und Anmeldung

Dienstag und Donnerstag ab 18:30 Uhr

Lautertalstr. 1 67742 Lauterecken

☎ 06382/994535 o. 0171/5235852

Montag, Dienstag und Donnerstag

ab 18:00 Uhr

Untergasse 18 55590 Meisenheim

☎ 06753/2471 o. 0171/5235852

Ende

So jetz hammer fer disjohr genuch,
mehr geht heit net nin, in unser Sündebuch.

Doch losse ner die Sache so weiter laafe,
dann müsse mer negscht Johr e dicker Buch kaafe.

Hammer disjohr ach manch äner net debei,
so iser Negschtjohr ganz bestimmt an de Rei.

Mehr brauche mer vun eich hoffentlich net ze sae,
aus fer heit, es Buch werd zugeschla.

Mer wolle jetz noch here em Lisabeth sei scheene Worte,
dann due mer a schun bal öffne die Hallepforte.

Lisabeth...

Schee ware die Worte wirrer, wie jedes Johr,
un deswee schreie mer jetz nommo im Chor,

die Reiwelskeier Kerb soll lewe...

...hoch

...hoch

...hoch


Moment noch...

ääns müsse mer eich noch Berichte!

Qualität und Frische ab HOF



Kirchmer's Hofladen
Ausbacherhof
67753 Reipoltskirchen
Tel./Fax.: 06304 / 7851



Direktvermarktung eigener Produkte rund um Fleisch, Milch, Getreide und Obst;
alles aus natürlicher Erzeugung !!

Fleisch auf Vorbestellung, Dosen-, Darmwurst und mehr fast ständig vorhanden.

Überzeugen Sie sich selbst von der gesunden Qualität und Frische der Produkte - vielleicht auch in unserer kleinen „Vesperstube“. Geöffnet nach Anmeldung für Wanderer, Reiter und sonstige Gruppen sowie Feste jeder Art !

--Lernen Sie uns kennen--

Garten-Landschaftsbau

Hausmeisterservice

Trockenbau

Fliesen & Fugarbeiten

67753 Reipoltskirchen

Hohlstrasse 18 Mobil: 016097330471

Tel. 06364/1521 Fax 06364/175678

Geiss



Stefan

Normal gebts jo zum Schluss immer e Happy End,
doch mir zwä hon disjohr es Blatt gewend.

Mir hon heit es letschte mo die Kerweredd gehall,
un mir hoffe, es hot eich die letschte 5 Johr mit
uns gefall.

Es war e scheeni Zeit do howwe ze stehe,
awer irgendwann muss jeder mo gehe.

Was ihr als geschafft han, das war als was fer in
die Presse,
un das, werre mer bestimmt nie vegesse!

Mer sae eich tschüss und adios,
bevor ner wirrer ins Kerwetreiwe werre losgeloss.

Doch zum gute Schluss dun mer noch zusamme unser Gläser erhewe,
un rufe laut,

die Reiwelskeier Kerb soll lewe...

...hoch

...hoch

...hoch

